

與

稽

齋

叢

稿

序

余髫齡時讀書雲寶山房旁鄰月聲精舍嘗過梅坡從  
兄問字因得識我枚菴先生枚菴與從兄爲文字交徃  
來無閒每于座上挹其言論丰采灑然埃壒之外其爲  
詩蘊藉澹遠不事雕繪惟抒寫性情一如其爲人竊心  
慕其爲吳中風雅之宗持而青上昌穀三百年後有嗣  
音矣乾隆戊戌春余以赴 朝考北行薄宦京師自是  
與枚菴蹤迹漸疏而家君時猶里居互有訓倡數年後  
家君入都枚菴亦襍被壯遊名重公卿閒所歷鄂渚梁

園章江衡麓凡白蘋碧芷之幽思倬嶽行雲之變狀洞庭之沐日浴月猿嘯龍吟隱見萬端隨所興寄靡不發之于詩昔人謂江山之助更有奇氣不其然乎枚菴之詩根柢于漢魏六朝較轢三唐兼擅宋元明諸家體制故能別開蹊町自具風致此非馳騁才思專工綺麗所可與之樹旗鼓而抗顏行也甲寅歲余去官楚遊適遇枚菴于杜蘅中丞官署中丞故好士館余于署之東偏曰又一邨乃得與素心晨夕酒闌燭跋擊鉢催詩閱兩月始別去昨秋余奉 命來楚枚菴尙留滯湘中舉此

都講門牆林立境窮而詩愈工年老而律益細其懷舊  
之什陶之停雲擬古也興遊卽事謝之登臨眺覽也至  
湘春清瀏諸編如披美人香草之懷則又楚騷之遺音  
也迹其觀物比興寄託遙深苟非本之性情何能若是  
洵乎其足爲吳中風雅之宗持而後世篋衍流傳無疑  
也余不敏無能仰測先生詩學之高深顧竊辨香奉之  
久矣今其女夫唐君夢巖攜其叢稿視余始得見全豹  
爰爲述其梗概以志景仰云嘉慶七年歲在壬戌嘉平  
月元和韓對拜撰

與稽齋叢稿目錄

卷之一

紀年詩刪

古今體詩六十一首

卷之二

紀年詩刪

古今體詩六十八首

卷之三

無雙樂府

四十首

卷之四

辛壬雜詩

古今體詩四十三首

卷之五

東齋餘稿

古今體詩四十一首

卷之六

東齋續稿

古今體詩四十一首

卷之七

登樓集

古今體詩五十三首

卷之八

見山樓集

古今體詩四十六首

卷之九

倚梧吟

古今體詩三十九首

卷之十

宋中遊草

古今體詩八十一首

卷之十一

廬雲小錄

古今體詩九十五首

附銘一首

卷之十二

抽颿集

古今體詩三十三首

卷之十三

湘春漫興

古今體詩五十四首

卷之十四

湘春漫興

古今體詩六十三首

卷之十五

清瀏雜詠

古今體詩九十九首

卷之十六

清瀏雜詠

古今體詩八十三首

卷之十七

曼香詞

七十一闕

卷之十八



曼香詞

七十闕

目錄

紀年詩刪上

上海圖書館叢稿第一

長洲 吳翌鳳

余年未冠卽喜爲有韻語凡得如千首頗爲先師徐  
汲酉宗老蒞堂兩先生所賞且加評點尋被祛篋之  
厄無一篇存矣繼自丙戌以迄甲午九年之中所作  
頗多刪其汗漫者存詩一百二十餘章離爲二卷曰  
紀年詩刪

丙戌

古詩二首

陽春二三月堤柳黃金枝盈盈十五女尋春上柳堤相  
逢柳堤上各自不相知卻折楊柳枝裴回寄所思  
遊絲三尺長紫燕雙翱翔猶彼秦羅敷出門采柔桑采  
采晴陌上柔桑盈頃筐顧瞻念良人遠在天一方盤盤  
機中錦欲寄不得將踟躕日將暮黃鳥鳴路旁春風不  
相識吹我羅衣裳低回自憐惜脈脈歸空房

有所思

有所思不在大海南乃在千里萬里斷猿叫嘯之關山  
關山迢遞夢不到何況車輪如轉環昨朝有客傳君語

云。娶。襄。陽。酒。家。女。歸。妾。當。年。白。玉。環。紫。君。舊。日。黃。金。縷。  
玉。環。金。縷。繫。深。盟。十。載。朝。朝。暮。暮。情。人。故。多。疏。物。故。敝。  
可。憐。重。上。君。衣。襟。君。心。如。月。有。圓。缺。妾。淚。真。同。杜。鵑。血。  
揚。蛾。從。古。生。妒。階。一。片。愁。心。向。誰。說。竹。有。心。兮。蘭。有。芳。  
願。君。念。妾。回。末。光。

短歌四章章六句

先輩匣中三尺水

長吉句

爛若芙蓉夜凝紫。提攜出門爲

誰死。人生枉負意氣豪。十年吳市空吹簫。酒闌歌罷風  
蕭蕭。

舊雨不來今雨來高三十五非凡才

武康高東井唐高適行三十五款

吐珠玉生頤頤興酣落筆者誰氏閭丘詩人卞嚴子

近邨

五湖翩然擢春水

時將遊包山

明星檐前大如斗搖搖影落杯中酒酒酣起舞無不有

誰與歌者江夏黃

毗陵黃仲則

水仙一曲羣鳥翔天風海濤

聲浪浪

江東獨秀陳隱君

文瀾

新詩藹若春空雲愧我與子聯清

芬

陳嘗選余詩及所自爲詩各一卷名箇傳集

男兒要當暘懷抱三十無成

色枯槁陳君陳君爾亦老

和顧阿瑛天寶遺事詩二首

華清宮殿幾重重，隔歲雲旂有去蹤。  
萬井香花朝避輦，六橋風雨夜聞鐘。  
淚珠漫遣冰壺貯，鬢髮徒勞絳縷封。  
地老天荒無限恨，夜烏啼斷禁垣松。

瑤池日晏散華筵，回首蓬萊冷暮煙。  
雲罕霓旌猶昨日，玉魚銀海已千年。  
空餘離恨留金粟，從此深山哭夜鵲。  
白髮遂良今老去，森沈靈瑱倍淒然。

丁亥

凝翠亭梅徐尹達同賦

幾度看花客。巡檐索笑頻。空山一夜雪。江館數枝春。鶴  
去苔衣古。香寒鬢影新。角聲莫吹徹。留伴苦吟身。

橫塘訪唐六如先生墓

桃花菴圯但斜矐。指點荒原野水濱。同是江南放浪客。  
一瓢清酒弔孤墳。

石湖曉渡

汎汎橫塘口。冥冥欲曙天。三星殘客夢。一櫂破溪煙。遠  
樹參差見。遙山斷續連。言尋居士宅。應在小橋邊。

擬陳思王置酒高殿上

置酒高殿上列坐室南端月華映叢薄零露淒以寒芳  
醴盈玉琖嘉肴溢金盤歌曲盡三調樂舞窮萬端遊俠  
共樗蒲文儒命藻翰主奉千秋觴客言未敢安獻酬未  
及竟星漢旣已闌盛年不久處奄忽朱顏殘今夕廣殿  
陰明旦河水干苟能要終始契濶同金蘭生存不相好  
挂劍誰與歎

盤龍宮鏡歌爲談三履元賦

故明洪武年造

談君好古故無匹示我古鏡銘青銅背上盤龍勢飛舞  
紀年猶是洪武中憶昔異雲起西北朱家巷裏藏真龍



一朝得水。上天去。與雲作雨。成奇功。九州四海。歸一照。  
煌煌心鏡。無偏蒙。制器尙象。命治氏。此鏡亦得。煩良工。  
陰精凝承。月輪滿。接魑走魍。光熊熊。錦包繡裏。檀作匣。  
內人端捧來。深宮美人如花起。春曉日光射鏡。爭瞳朧。  
妝成顧影。生百媚。桃花春水。將無同。獨憐廟堂。溷黑白。  
未得朗照。分雌雄。胡藍駢誅。功狗戮。數十萬口。同沙蟲。  
內廷更頒姦黨錄。昭示千古。無終窮。若得此鏡。作明鑒。  
清光應足。扶天聰。妍媸立辨。黜陟正。何勞事後。悲朦朧。  
豈知轉眼三十載。撞鐘伐鼓來。姬公半邊月。落光黯澹。

六宮嬪御同飄蓬。此鏡蒼涼閱朝市。土花暈碧苔痕封。  
滄桑變滅人代改。依然完好歸房櫳。寒氷棱棱歷塵劫。  
悲歡離合同始終。開籤自足煥光采。恐有淚點斑斑紅。  
送陳文瀾之大名二首

以我論知己。如君復幾人。詩篇同涕淚。出處各艱辛。忽  
作關山客。應悲老大身。銜悲不忍別。相對說吳尊。  
一雁來空濶。單車度輾輳。休言愁似海。且盡酒如澠。濁  
浪翻瓠子。秋聲散馬陵。遙憐風雨夜。歸夢亦何曾。

出門辭三首送宣辰標之甘肅

飛○鳥○戀○故○巢○浮○雲○戀○故○山○嗟○哉○遠○征○人○駸○駸○出○故○關○今  
春○戒○徒○御○別○我○遊○雲○間○蕭○曹○事○刀○筆○顏○色○慘○不○歡○昨○奉  
故○人○招○逝○將○適○皋○蘭○欲○去○缺○甘○旨○欲○留○逼○飢○寒○清○貧○資  
負○米○去○去○從○所○安○登○堂○別○阿○母○惻○愴○摧○心○肝○

出○門○常○苦○遠○在○家○常○苦○貧○依○依○向○阿○母○切○切○委○四○鄰○有  
父○客○京○洛○難○虞○難○具○陳○弱○弟○持○門○戶○百○難○今○羣○身○毋○爲  
戀○浮○華○黽○勉○安○賤○貧○謹○身○以○寡○過○處○世○存○吾○真○晨○昏○奉  
菽○水○亦○足○娛○慈○親○覩○此○離○別○情○能○不○懷○酸○辛○

遲○遲○上○征○鞍○蕭○蕭○風○吹○裳○悽○悽○別○心○知○迢○迢○向○河○湟○河○

望臨絕塞萬里關山長黃雲塞四野白日無精光行行  
念舊山離鴻鬱高翔明明天山月夜夜照故鄉臨觴不  
得御短歌慨以慷棄置勿復道歡會方未央

讀元史九首

水邨第一集

故國湖山對夕曛琴心三疊不堪聞燕臺十載黃冠客  
愁殺南朝汪水雲

九曲黃河是濁流探源人去已千秋乘槎再訪支磯石  
又說曾經犯斗牛

聞道江南訪學臣敢從茗霅老閒身鷗波亭下粼粼水

不。浣。淄。塵。浣。劫。塵。

滿。野。蜚。鴻。實。可。悲。桑。哥。新。政。欲。何。爲。尙。憐。辛。苦。鉤。錢。穀。  
特。賜。王。公。輔。政。碑。

黃。河。轉。運。久。無。功。且。喜。年。來。海。漕。通。見。說。東。南。民。力。盡。  
括。金。又。復。向。滇。中。

琳。宮。梵。宇。日。崔。嵬。太。息。何。年。釀。禍。胎。一。品。朝。臣。齊。下。拜。  
路。人。爭。說。帝。師。來。

楊。柳。和。風。別。院。春。舞。衣。飄。颺。御。街。塵。夜。來。徵。取。銀。花。稅。  
要。賜。毬。場。蹴。踘。人。

內殿燒燈喚阿蠻承恩先賜玉蓮環絲綸不用文人掌  
新拜西僧教瓦班

聲聲梵唄上蓮臺北去和林又劫灰聞說濠州眞命主  
也從皇覺寺中來

年來下帷紫薇山館與蔣七堯章交契甚篤明  
年將去此佗適矣蔣子投詩四章如其數報之  
夙昔慕儔侶薄言事交遊文士章甫冠健兒青兕裘南  
窮具區澤西上北固樓落羽一分飛江湖阻且修得與  
之子交奄然星紀周忼慨命尊壘風雨共唱酬脈脈方

寸心誓將結千秋

亭亭南山雲。因風忽飛揚。鷦鷯林際鳥。比翼使分張。會合詎有定。所貴結中腸。幸蒙達士賞。得登君子堂。一朝有閒隔。兩地悲茫茫。同心無離居。失意卽殊方。俛仰歲將暮。莫念舊徒旁。皇

朔風蕩原野。老樹摧冰霜。松柏凜高節。歲寒庸何傷。感君念山澤。投我雲錦章。開函再拜讀。珍比璆琳琅。我心多抑鬱。忼慨歌聲長。食齋腸乃苦。聞者謂不祥。行將焚筆硯。漁釣遊滄浪。

滄浪夫如何出世非所宜上有白髮親下有新故知相  
期策高足豈得顧我私蛟龍騰雲天變化會有時丈夫  
敦出處常恐年齒衰大義苟有得亮節亦不虧與子崇  
古道令名庶可期

戊子

夜坐來雲窩聽家蠡濤彈琴

蕙草香已歇春風歸故岑高齋明月夜聽拂龍脣琴獨  
鶴杳然去白雲閒一林不須滄海上一曲已清心

水邨詩人歌效飲中八僊詩體

水邨第二集



雪蕉脫畧輕簪纓氣填五嶽雙瞳瞠三堂體製何崢嶸

一字未愜心怍怍

陳學海文瀾

蕉鄉終日聲呶嬰與世無悟

人無爭長篇短韻積一簾

赫蹏之紙紛縱橫

周賓浣初

雨峯

四十猶無成文章薄魄性所輕飛來峯頭吹玉笙

錢塘周磐

淨嘯山調高掣海鰓天都秀孕人中英山水方滋多勝

情恨不浮查達蓬瀛

休寧余尙德式南

葑坪才地今虞卿窮愁

落寞伴短檠清詞麗句金石鏗狂去賤卻侯家鯖

戴延年壽

豈蕢漁作詩如用兵出奇制勝誰敢櫻六步七步無創

行振筆作勢千人驚

沈起鳳桐威

詞壇勅敵夢陸生矯如奇

鷹隼秋晴大言炎炎陋譽諱

崑山徐春  
福道耕

小梧張額面發

頽健筆肯作君使令偏師我欲攻長城

陳元基  
復生

蠶盤五

字風骨清妙旨直欲追咸諫一倡三歎聲和平

林蕃鐘  
愷奇

賤子來附詩壇盟水邨兩載和其聲含豪舐墨歌休明

### 懷辭家三卻寄

咫尺城東路如何相見稀都因忘世事聊欲掩荆扉日  
影閒過枕苔痕靜上衣結鄰吾有願共對佛香微

### 蘆花

蘆花瑟瑟動秋風斷岸煙深冷一叢猶記垂虹亭畔夜

釣船曾臥月明中。

鄒生以彈詞徃來江湖間爲廬都轉所賞名流  
多賦詩贈者今歸吳門寓東禪精舍蒲團佛火  
不復作諸侯客矣追述徃迹閒爲余說金陵舊  
院遺事感贈二絕句

二分明月冷吟牋猶說江湖載酒年  
兩鬢蕭蕭秋影裏  
寫將幽恨入三弦

莫是當年柳敬亭雲堂鐘鼓夢初醒  
南朝多少傷心史  
說與詞人總涕零

送沈桐威林煜奇公車北上四首

積雪蔽三徑。流飆激我帷。獨處多煩緒。當戶起躑躅。親  
交忽在門。言賦驪駒詩。攜手上河梁。尊酒爲子持。與子  
敦古道。十載無違斯。顧瞻雙黃鵠。翩翩戲中池。豐翮隨  
扶搖。豈復戀卑棲。君子重明義。出處庸詎虧。嘉會當春  
風。努力方及時。

天風號枯桑。客子思故地。寒雞鳴枉渚。嚴霜結征旆。蕭  
條北平原。回首望江際。河橋臘月時。冰雪晝如晦。念爾  
此行役。閒關未能寐。歡宴豈不懷。勛矣四方志。千秋各

自期皓首庶無悔

人生景昌期陳力苦不早致身及良辰蔚如春至草出  
入承明廬風流發翰藻趙璧延九賓漢馬歷無阜汗血  
騁長嘶瑾瑜貴完好諒彼修士心日惕以終老百行誠  
弗渝榮名乃長保

念此忽不懌爲君再舉觴戔戔黃金臺羣儁相翱翔賢  
哲固可比嬋媛亦多方蓬蒿未殞落蘭杜自芬芳託賴  
幾微閒況復非故鄉貧賤秉貞潔娛樂易以忘子能慎  
所徃懷寶寧合藏我愧贈言者浩歌成此章

歲暮懷杜十丈滁州

滁陽一去絕書函。歲暮懷人總不堪。想像亂山風雪裏。  
白頭人正望江南。

己丑

寄戴壽豈都中

幾緬平生屐。翻爲帝里遊。雖依魏公子。不見曲陽侯。  
雪塞三春草。冰河二月流。故人相勸好。莫待敝貂裘。

雨中懷王范賢

積陰林氣白。曉雨不可止。南園芳草色。未耜詎能理。故

人掩關臥靜契虛白。屋角鳴邨鳩。門前長春水。知誰  
擢野艇。裹飯訪之子。

送顧十二翰集之楚二首

帝子不復作。瀟湘雲正深。算愁捐楚佩。秋思入瑤琴。月  
冷黃陵廟。鵲唳斑竹林。客懷已無賴。況聽越鄉吟。

尚有高堂在。依人竟別家。一身隨旅雁。千里下長沙。水  
國聞秋笛。楓林散暮雅。儻過笙竹驛。莫忘是天涯。

賦得江猿吟翠屏送陳二復生入蜀

蜀棧連雲不可度。號猿噉噉青楓樹。月明三峽霜風寒。

相送征人此中去。征人何事苦離鄉。萬里鸞叢客路長。  
錦城絲管巴渝舞。若聽猿聲總斷腸。

庚寅

小遊仙三首

一霎春風落曼陀。紫簫聲裏月明多。不堪吹醒人間夢。  
回首紅塵隔愛河。

還丹粒粒裏秋雲。散盡天花不著身。一樣瓊臺霜雪裏。  
繡襦甲帳又何人。

朱鳥窗扉久不開。芙蓉城闕欲生苔。自從服食金丹後。



滄海成田不再來

東齋對雨

宋宋芳歲感沈沈。暗香陌閒門。夜雨深窮巷。無來迹。玉琴靜。不御石榻莓苔積。離居欲經旬。叢蘭爲誰摘。

送陳復生之桐城二首

殘年典盡鸛鵲裘。不上嘉陵萬里舟。嘗欲遊蜀不果此去天門

招李白片飄高挂大江秋

偶然采藥古松間。鄉思時時放白鵬。一種詩情消未得。夕陽秋色皖公山。

悼王商賢

不堪親故頻傷逝。老。是。韓。翁。清在少。是。君。老。去。獨。推。翁。好。

學少年誰似爾能文胡香一瓣憑誰焚楚些三招應共

聞怡悵閒園芳草色春風蘭雪落紛紛

家有歸田園園中有蘭雪堂

秦淮旅次抱病無聊時與復生汎舟青溪桃渡

之間卽事成詩

存六

三年兩度客江鄉遲日園林旅夢長一片煙波數行柳  
至今人號小滄浪

鉤蟬金雁已成塵舊曲荒涼鎖綠茵武定橋邊回首望

夜○深○寒○月○白○如○銀○

澹○雲○微○雨○護○靈○旗○何○處○清○溪○宋○寔○祠○只○有○春○風○雙○蛺○蝶○  
等○閒○飛○過○綠○楊○枝○

燈○火○千○家○月○一○簫○秦○淮○秋○老○夜○厭○厭○瑣○窗○金○粉○都○零○落○  
賸○有○丁○家○幾○幅○簾○

覆○舟○山○下○雨○初○晴○憊○箭○聲○聲○出○射○棚○  
賓興之年舉子多于此試射莫○

問○徐○常○舊○祠○廟○寒○煙○衰○草○接○臺○城○

縷○縷○衰○楊○葉○葉○楓○年○光○無○味○客○心○同○夢○回○愁○聽○吳○娘○曲○  
人○在○高○樓○算○雨○中○

紀年詩刪上

紀年詩刪下

叢稿第二

長洲 吳翌鳳

辛卯

白雲篇

白雲出巖岫。竟日東西飛。日昇歸空山。爲雨亦已稀。不見田野中。久旱苗不肥。農夫望雲歎。老淚霑裳衣。

春日榕齋小飲。回憶乙酉人日。韓七丈在清招。同諸子雅集。齋中分韻賦詩。忽忽又七年矣。歲月不居。哲人已萎。每一過。從不勝黃公酒壚之

感因成二詩示令子仲孺季昭昂弟兼懷舊遊也

玉梅花發草堂春。曾共題詩到夜分。今日花前重對酒。  
當時塵尾已凌雲。恒河劫盡空塵夢。莊鳥吟高又夕曛。  
莫向山陽更笛聲。聲聲激楚不堪聞。

行吟曾徧楚江楓。老去聲華似雪鴻。江左文章歸阿士。  
峴南耆舊弔龐公。十年舊雨嗟何在此。夕深杯不放空。  
愁對鶯花三月暮。南陽池館又東風。

泖湖張觀瀾久客吳門賦贈

白公隄畔柳。廿載繫吟船。草色又如此。煙波倍渺然。詩情。紅樹外。鄉思。白鷗邊。料得茸城路。東風冷。暮田。

師子林十二詠用高青丘韻

師子峯

萬壑起風聲。羣師吼山夜。中有忘世人。結屋松根下。

含暉峯

山影靜含暉。疏林澹夕霏。娛人蒼翠色。坐對憺忘歸。

吐月峯

空山宋不喧。待此山中月。忽然月上來。恰補高峯缺。

立雪堂

天寒山色靜風雪夜深時獨對千峯立高人應未知

臥雲室

萬壑千巖裹白雲午未開此中高臥穩時有鳥聲來

問梅閣

昨夜山中雪寒梅開幾許日暮倚竹林脈脈無人語

指栢軒

清風颯然來吹醒忘機客枯坐澹無言堅貞如此栢

玉鑑池



一片空明水微風澹欲波我來愁鑑影只恐鬢絲多

冰壺井

古井水不波清冽沁齒冷松葉火初紅朝來汲修綆

修竹谷

天外落奇峯恰當修竹後來參玉版禪翠滴滿山口

小飛虹

渾疑昨夜雨蟠蜎見清朝時有聽泉客支筇度小橋

大石屋

誰將混沌鑿四壁有奇紋一閉今千載重重封白雲

雲陽道中送何生歸鄱陽

嘯。鵲。聲。中。秋。草。綠。行。人。忽。歌。渡。江。曲。涼。風。八。月。江。海。深。  
別。浦。離。筵。對。紅。燭。何。生。飄。流。已。十。年。夢。中。時。憶。康。郎。山。  
蝸。角。微。名。何。足。計。小。山。叢。桂。行。將。攀。片。颿。欲。度。雲。陽。驛。  
驚。起。離。鴻。滿。川。澤。夜。涼。玉。笛。莫。頻。吹。我。亦。江。南。未。歸。客。

隱仙菴金陵城北幽絕處也桂樹一株高出樓

表暇日遊覽漫書于壁

黃。葉。落。未。盡。拍。提。已。深。秋。寒。塘。鐘。磬。裏。獨。上。西。齋。樓。斜。  
日。上。遙。阪。白。雲。蔽。荒。丘。坐。對。淮。南。樹。因。之。結。離。憂。

攝山棲霞寺

策蹇尋初地。松林正落暉。料應猿鶴侶。不厭芰荷衣。江  
氣含雲入。巖花雜鳥飛。殘碑讀罷後。留采藥苗歸。

得戴壽豈書知自都中省覲柳州寄懷二首

及得潭州信。知君又粵西。短衣衝瘴癘。孤艇狎鯢鯢。夜  
雨歸鴻度。春風杜宇啼。羅池亭畔路。草色正萋萋。

到日訟庭春。萊衣舞繡文。山花開瘴雨。慈竹護蠻雲。鄉  
思難爲夜。彝歌不可聞。君如懷古迹。第一弔劉蕡。

壬辰

哭韓三仲孺

遽騎箕尾別塵寰。四十年華夢寐間。揮淚文章鵬鳥賦。  
望雲心事孝堂山。淒涼莊舄知誰和。薰萃荆花爲爾刪。  
屈指明朝人日近。玉梅猶識鬢毛斑。追感乙酉人日雅  
集事在蔣八年已  
哭君雨  
世矣

韓九罷官歸隱楚南紫詩言別

江國見殘雪。玉梅花正春。歸人洞庭水。衣袂洛陽塵。白  
髮悲何早。青雲客漸貧。知君棲隱處。魚鳥自相親。

送韓十季昭還茗省墓

憐君負土成墳日多少寒鳥遶樹枝此去松楸故園淚  
憑誰灑與雁行知

哭叔弟 夢熊 四首

怪鴟吟高柳山鬼叫通夕寒燈耿不明吾弟病初革方  
期藥石靈遽爾形神隔墮地十八年奄忽如過客回頭  
望令原拊心一慄擗

吾父四十時蹉跎未有子衣食事奔走早喪從此始後  
復喪吾母墮淚不可止老大生四兒煦育及尊齒八十  
餐不加煢煢更羅此西河悲畧明慘懍詎能已

寒門守高節。生小苦迍邐。嗟爾更縣弱。遽此委黃泉。季  
兮幼頑劣。我復滯籠樊。中宵九回腸。枕淚常不乾。矯首  
望寒雲。一雁東南天。江湖有燐繁。棲息同鳥鳶。生離與  
死別。異境同一憐。逝水望回波。缺月期再圓。何當奮回  
翮。慰此遲暮年。生兒不得力。長大亦徒然。愧彼在原作者  
惻愴又何言。

吳山峙西南。湖水照墓門。纍纍松栢原。蕭蕭白楊邨。吾  
祖昔未歿。辛苦期諸孫。可憐不自力。負此覆冒恩。孤雲  
獨無依。流水還其源。寒漿酹汝魄。紙幡招汝魂。悠悠祖

墓旁落木此歸根。灑淚從此別斜陽。下荒原。

癸巳

人日吳江道中雪同趙二懼生

相逢吳市各華顛。襪被還同范蠡船。人日梅花非故國。  
江南風雪入新年。登艫不盡看山興。話雨能忘被酒眠。  
一曲垂虹橋外笛。五湖煙水渺前川。

鷓鴣湖櫂歌四首

平波臺榭柳千條。蟹舍漁邨極望遙。生怕湖中風浪惡。  
短篷斜繫畫眉橋。

湖。水。團。團。儂。鏡。圓。三。三。五。五。照。嬋。娟。南。風。湖。左。北。風。右。  
送盡來吳入越船

卽在鱸鄉亭上頭儂船罵脰水中流一竿紅日自回桡  
三寸白魚時上鉤

儂家樓頭湖水光湖中春水雙鴛鴦蠶忙不放瓜皮艇  
處處閒田都種桑

余遊鍾山山中諸子多就余問詩者別來數載  
當不復記憶然區區常徃來于懷也今年余扁  
舟客錢江僧月印者來見語娓娓不能休別又



依依不忍釋余不知何也書此以貽之

已公相見荒江濱。白云家世鍾山人。余生三作鍾山客。  
湖海見之情轉親。鳳皇山頭夜吹笛。江月光冷於雪。  
萬壑魚龍夜不眠。三更衾枕寒如鐵。多師珍重索我詩。  
我詩何似鍾山時。春潮送爾扁舟去。歸報山中耆舊知。

六一泉

輟櫂沿古隄。山徑轉深曲。清泉匯其陰。琤琮韻琴筑。歐  
公去千載。白雲在修竹。礪寒空翠落。鳥語幽潭綠。不有  
物外人。佳景更誰屬。

孤山放鶴亭林處士祠在其側

竹。林。殘。雪。盡。巖。壑。已。知。春。獨。鶴。去。江。海。梅。花。空。照。人。亭。  
閒。芳。草。色。祠。冷。翠。帷。塵。一。盞。寒。泉。水。無。嫌。薦。渚。蘋。

南山雜詩

石屋

厓。巖。古。佛。相。天。花。落。何。處。皆。皆。谷。井。中。猿。灑。不。知。曙。白。  
雲。忽。飛。來。幽。人。看。山。去。

法雲泉

寒。泉。古。巖。陰。清。冷。自。年。歲。上。有。太。古。雪。荒。荒。竹。梢。翳。不。

見試茶人雲生石門閉

桂陽

蒼蒼桂之樹結根此山趾愧無淮南招我行詎有已秋  
期果幽尋吾無隱乎爾

花燭詞二首爲陶二淨蘅納姬賦

射雉陂前碧鎖窗人間玉蕊本無雙木蘭艇子殷勤甚  
桃葉隨春夜渡江

姬如  
皋人

芳隄小駐七香車絡角星河入絳紗一夜瓊枝承雨露  
春風愁殺馬塍花

潛蚪山房古梅歌

蚪房古梅老不死。涼月紛紛化煙水。玉龍夜半歎寒霜。  
鳥語山中人乍起。我來東風吹凍雲。遶山十里香網緼。  
谿頭老鶴未無影。琴牀斑駁蒼苔紋。憶昨南都詫奇絕。  
菩提場梅榦如鐵香。浮欲盡不盡。雲花落千堆。萬堆雪。  
十年不上春遊驂。老梅未寔空江潭。橫斜坐對忽怡悵。  
今宵有夢歸江南。

登岌光絕頂。趙臞生同遊。陶淨蘅以是日徃西溪。

春○雨○寺○門○綠○鳥○嘯○修○竹○林○幽○泉○隨○篋○落○山○翠○入○南○深○與○  
爾○凌○丹○壑○臨○風○拂○玉○琴○伊○人○成○獨○往○朱○萸○紫○芝○心○

煉丹臺在北高峯之右一老僧主之操行精嚴  
形同槁木蓋不與人接者二十年矣

東風瑤草綠閒與鶴南飛杳杳丹臺上孤雲傍翠微餘  
糧儲石甃橫竹挂禪衣詎識人間事年來客到稀

山中早起見白雲初吐

夢○覺○鳥○聲○喧○山○翠○落○幽○戶○幽○人○侵○早○起○涼○露○溼○衣○屢○清○  
泉○靜○不○流○閒○雲○藹○初○吐○鬱○翳○起○山○腰○飄○忽○落○高○樹○輕○飛○

不。經。風。小。合。欲。爲。雨。組。織。未。成。衣。朝。陽。上。平。楚。雲。日。相。  
光。輝。蓬。蓬。歟。散。聚。對。此。欲。飛。騰。相。將。振。毛。羽。

溪上

春。意。寒。猶。在。微。風。水。欲。波。隔。溪。芳。草。色。昨。夜。雨。聲。多。

北山雜詩

參寥泉

坡。仙。不。復。作。古。寺。空。陳。迹。東。風。吹。夢。醒。欲。共。參。黃。巖。山。  
僧。挂。瓢。去。寒。泉。自。深。碧。

飛來峯

蔚然小靈鷲蒼蒼蔭林樾何年此飛來妙相鑿山骨至  
今峯頂上猶照海天月。

石筍峯

岩巖北高峯卓立二石筍欲參玉版禪峯尖路奇窘決  
皆入青冥秋高見飛隼

湖上曲

紅花與綠蕢水暖鴛鴦春汀洲采香女江皋解佩人草  
色上羅帶花光拂繡茵歸去洞房夕飛起玉箏塵

虎跑泉上作同陶山人韻

西湖名泉首虎跑我來初試長頸跑空林無人虎蹤杳  
荒階有雨苔痕交天風泠泠落松子叢竹簌簌抽芳苞  
龍團八餅儻可致與君來此誅香茅

柳枝詞二首

陌上和風習習吹段橋金線亂于絲眉長已是多愁緒  
況爲行人綰別離

小桃花落雨絲絲正是春殘酒醒時脫盡輕絛還自舞  
瘦腰扶起卻憑誰

吳山雜詩



石池

一泓僅盈勺。挹盡還更滿。山僧不自惜。清冷備晨盥。

瑞石洞

巖洞窈且深。舉頭礙石乳。有字不得讀。壁上苔衣古。

丹竈

藥成便高舉。鴛鳥莫深疑。至今春雨過。猶聞長紫芝。

朝元路

風吹石闌花。依微洞門闢。一片白雲封。便與桃源隔。

過榕齋追悼韓仲孺季昭弟二首

機雲逝後迹空存。一片蒼苔自掩門。此後茗溪寒食雨。  
殞宮誰與奠吟魂。時仲孺已墓茗水季貽亦歸淺土

一樹疎梅冷不芳。春來空見燕歸梁。可憐高行梁鴻婦。

白髮麻衣哭影堂。

謂仲孺室人

甲午

首春貝葉齋訪智因上人同周鍊師

雪消池水綠。春意入閒園。偶與道門舊。言尋達者論。焚  
香馴鶴舞。豎義佛幢翻。欲結跏趺侶。誅茅傍古原。

郝允文畫蘭余補芝

蕓蘭洲水濱采芝商山岑商山人去後白雲留至今芳  
草不長綠幽期難重尋一枝巖谷裏如見歲寒心

虎丘寺玉蘭

樹植蕭梁代花開舍衛城四山晴日淡一院午風清神  
或疑姑射宮應號水精憐余素衣者相對澹含情

相思鳥曲和余仲林

水中谿鵲梁間燕習習朝看暮還見碧雲日暖芳樹枝  
別有珍禽羽毛舊自入雕籠宛轉聲風流方悔誤浮名  
明朝放爾雙飛去春草春花無限情

秋閨詞

銀牀汲井華。桐葉秋風起。無緒拂流黃。言念遠遊子。綺閣獨憑闌。更深玉露酣。但令執扇猶懷裊。知道征衣未薄寒。

題蔣五欽文秋林讀易圖時將之官江右兼志

別感

秋色下庭綠。亂山相對深。蒼然白雲外。如見羲皇心。苔徑歇涼雨。松風聞玉琴。欲辭巖壑去。誰和紫芝吟。

雨宿墨賞齋與張南陔談詩

有美耽苦吟。秋燈湛深宇。偶來抱琴眠。聽此閒窗雨。衆情薄孤賞。予懷慕眞侶。浮榮何足欽。相期采芳杜。

晚步蘭雪堂池上作

右丞去千載。輞水流不息。閒門掩松風。秋草萋以碧。亭亭嶺外雲。磊磊澗中石。鶴去玉琴空。蜚鳴涼露積。循廊讀遺詩。鬢絲爲誰白。

石湖逢李丈漫翁

松風短簿祠。邊月記共青蓮數論文。今日石湖秋色裏。微茫煙水又逢君。

紀年詩刪下